



12228

雪  
碇  
書  
彙

雪磯叢藁序

僕非能詩者而亦好作詩早游諸老之門或謂可與言詩比歲渝江羅季海西湖胡雪江閒亦採而刊之然傳錄失真甚則雜以他人之作以魚目而混驪珠僕得盜名之譏矣其可乎前歲歸自京師繼懼憂患蓋不復言詩也嘗得李抑抄書必欲爲之刻梓卽嘗謝之繼而友人朱嗣賢何堯卿捐泉巾梓又有請焉辭之再四而請益堅余詩本無可傳而諸賢之軫念者如此僕不得辭矣切念早歲雕鏤纂組溺志詞章旣而悔之方將鞭僻近裏以進聖賢之學其敢以詩傳哉古今言詩莫尚於老杜嘗有詩曰文章一小技于道未爲尊僕果能詩猶犯老杜之戒況不能詩乎知道者當諒僕之心而有以教之可也時

寶祐丁巳朔樂雷發書

宋雪磯先生詩集序

雪磯先生宋理宗朝特科狀元春陵人也其後嗣韶來教戎庠出其所著詩藁及所對策示予且屬爲序夫詩言之成章者也必其志之正氣之完學之粹然後發于言而成章雄渾和暢清新奇古可以傳之當時垂之永久觀雪磯先生詩可見矣先生敷策宋庭有曰求天下之士以文不若淑天下之士以道曰秉正直之氣節則發忠鯁之言議曰詞賦不本乎理致日以雕鐫

雪磯叢藁序

經義不求其指歸日以穿鑿此數言者其志之正氣之完學之粹豈不槩可見乎故其聲于詩雄渾而無萎蕩之弊和暢而無乖疎之失清新而出乎蕪陋奇古而脫乎凡鄙可謂能詩也已然其自序云早歲雕鏤纂組溺志詞章旣而悔之方將鞭僻近裏以進聖賢之學其敢以詩傳哉則先生涵養之純進脩之篤過人也遠矣又豈泛泛駕高談騁浮詞者之比乎藁凡一百五十餘篇其在當時友人羅季海胡雪江朱嗣賢

何堯卿輩爲刻梓世變旣遠湮晦寔多第其後  
世奕葉簪纓故得以傳之不替也今韶再加編  
次故爲題首簡使觀者有所徵也先生諱雷發  
字聲遠雪磯其號云時

正統丙寅五月旣望賜進士及第禮部尚書前  
翰林院脩撰西川周洪謨序

雪磯叢書序

二 讀畫齋正本

雪磯叢藁卷一

宋寶祐癸丑特科狀元樂雷發撰

後嗣教諭 樂 韶 編集

知縣 樂 武 校正

歌行

九疑紫霞洞歌

猗歟奇哉紫霞之洞真天開千變萬狀不可迷  
恍疑幻出壺中之蓬萊湘濱兩姝不敢到悵望  
蒼梧雲縹緲爾來三三三百年斑龍空卧金光

雪磯叢藁卷一

一 讀畫齋正本

草我採姹女江華濱是爲三十六帝之外臣右  
持綠玉杖左攜紫金經長歌天上謠一呼開先  
肩列炬照深窈懸身事幽討羣仙喜我來驚笑  
欲絕倒何侯撫我頂偉遠拍我肩綠華贈我金  
條脫安期分我紅景丹借問此何地指言太虛  
天翠霞紫雲張寶幄懸黎結綠盤瓊瑤萬疊蒼  
苔荒石田誰呼青龍耕紫煙帝獄銅牆未偏識  
擬開寶藏紬雲笈差峨水際披蓑翁應是錢鏐  
釣神龍仙人仙人何多事驚世駭俗變靈異或

跣巨足垂天雲或印短趾流沙濤或現姑射處  
子身粉霞紅綬藕絲裙或示普陀大士形或持  
簪柳垂寶瓔或插鏤象管或結火齊珍或琢玄  
圃玉或布祇園金洞中之深不知幾百里但見  
縈紆屈折一里一澗水人言有路通桂林乘興  
欲尋日華君吾聞洞中大小洞天三十六帝遣  
列真分治局上界官府應更多定知此洞今誰  
屬猗歟奇哉紫霞之洞真天開我上會稽探禹  
穴復浮滄海登天台巖谷豈無奇跡此何塵埃  
摩挲崖石題惡句記我杖履敲雲來黃涪翁元  
漫叟目力一生空宇宙澹巖陽華有何奇枉費  
篇章劖石竇

烏鳥歌

莫讀書莫讀書惠施五車今何如請君爲我焚  
卻離騷賦我亦爲君劈碎太極圖竭來相就飲  
斗酒聽我仰天歌烏鳥深衣大帶講唐虞不如  
長纓繫單于吮豪擲管賦子虛不如快鞭躍的  
盧君不見前年賊兵破巴渝今年賊兵屠成都

風塵瀕洞兮豺虎塞途殺人如麻兮流血成湖  
睂山書院嘶哨馬浣花草堂巢妖狐何人管中  
行何人縛可汗何人丸泥封函谷何人三箭定  
天山大冠若箕兮高劔拄頤朝談回軻兮夕講  
濂伊綬若若兮印纍纍九州博大兮君今何之  
有金須碎作僕姑有鐵須鑄作瘞藜我當贈君  
以湛盧青萍之劔君當報我以太乙白鵲之旗  
好殺賊奴取金印何用區區章句爲死諸葛兮  
能走仲達非孔子兮孰卻萊夷噫歌烏烏兮使  
我心不怡莫讀書成書癡

寄雪蓬姚使君

贈君昆吾湛盧之寶劔青雀黃龍之巨航懸黎  
垂棘之美玉都梁篤耨之名香佳人佳人在何  
處濯足洞庭望八荒萬車駢駢薜芷綠欲往從  
之道阻長倚寶劔兮翼軫膠巨航兮沅湘玉以  
彰君子潔身之德香以表騷人流世之芳我所  
思兮隔秋水天吳翕忽蛟螭翔佳人佳人蹇誰  
與愛而不見心盡傷

胡料院出示車攻圖仍索俚作

九壤卧龍呼不起乳臭談兵空滿耳書生未識  
玉帳經且抱此圖究終始姬家出車詠嬴家小  
戎詩衛家武剛扞突騎馬家偏廂走羌夷只今  
車陣無人識天狗橫空灑腥血胡人以鞍馬爲  
家誰遇奔衝展奇策豫章先生今孔明胸中森  
羅萬甲兵天衡地軸妙絕識內陣外陣何縱橫  
千枝綠沈列虓虎萬臂黃閒張白羽人言險野  
難用車公獨規模掩前古車攻圖車攻說八采  
雪磯叢案卷一

四讀畫齋正本

眉前曾進徹世人苦謗陳濤斜卻向齊門空鼓  
瑟今朝朱轡富川頭絕江以北瞻神州李綱政  
要講車戰南渡勳業應可收涇水黃鐵山碎雙  
輪快展幽燕地朗誦先王復古篇他時此筆猶  
能繼

壺中天歌贈侯明父

蓋頭卽可居容膝卽可安連雲大厦千萬閒何  
如壺中別有天壺中何所有筆牀茶竈葫蘆酒  
壺中何所爲目送飛鴻揮園絲窻前祝融老僧

竹壁上九疑狂客詩壺中主人知爲誰啖棗仙  
伯雪鶴姿左攬之微袂笑移砥柱弄河水右拍  
長房肩飽食麟脯傾玉舫蓬萊山在何處勸君  
且占壺中住不會上列金馬門也應不識崖州  
路探禹穴浮沅湘脚下塵土鬢上霜我到壺中  
如故鄉

謝楊孟溪縣丞惠以章墨

白首侯芭蜀江邊曾向君家傳太玄射熊草賦  
畱殘墨想應當日還渠得飄零蕭灑幾世孫解  
得膠法春玄雲物理往來元莫測後世子孫還  
舊壁君家所有更贈君君還贈我何殷勤感君  
殷勤復三歎努力西窻磨鐵硯太玄難深吾不  
爲願寫誠齋易傳探玄機

佳人兩章寄許東溪

衡之山鬱蒼蒼我有佳人在山之陽水難爲佩  
兮雲錦爲裳愛而不見兮我心憂傷安得爲鷗  
鵬凌風置君傍衡之山鬱蒼蒼

衡之江清且漪我有佳人在江之湄朝食落藩

兮夕饌江蘿欲往從之兮我馬虺隤安得爲琴  
高浴波與君隨衡之江清且漪

古體

登濂溪太極樓

岑樓跨層崖灌木翳頽沼曠哉宇宙心況茲展  
遐眺前哲日以遠川麓被文藻芳甸馥荃蘅江  
渚雜鳧鳥亭亭沼中蓮冉冉庭下草扣寂參太  
極撫化領衆妙俗薄神理乖力柔聖途杳英  
考亭翁反心會天奧萬里粲良言一誠貫元造  
勗哉登樓人畢景盡此道深根復深根篤行以  
爲寶

送程營道官滿赴闕

此後八首從查初  
白本補入

高旻振爽籟蒼鴈鳴芳洲傾城餞茂宰鄉耄羅  
藻舟茂宰蘊淵道厥源沂伊流宇毗振仁策範  
俗悖聖猷夷心灼理要政簡吏統周芳風被儒  
肄惠澤淪農疇魯封有馴雉張廷無訟牛慨茲  
戒徂兩離衷鬱綢繆贈我茂叔蓮紉君晏子裘  
慶霄際鳳躍神囿瞻麟遊世道日以隘民瘼誰

克瘳厲志抗遐業吹萬溥九州揆予忝皇鑒敷  
文免征愁行行重行行夷庚無駐舟

次韻李監丞日夕閱雨

種稔旱欲槁蒺藜秋向榮哲匠軫民瘵慨此疚  
魂明蓐收正揪斂肥蠟何縱橫仰霄際蟾曜聆  
埵佇鸛鳴彼美玩華光芳罇酌蘭生崇榭歌窈  
窕秀質羅輜駟節序孰不歡宅生念匪輕同袍  
正焦灼對酒何忍傾恤喜限昏智同茲感陰晴  
淦淦山雲起策策林颺驚企彼天瓢潤弭此農  
稗聲崇情發翰墨賞心謝籌觥溥澤乃夙念穹  
爵豈所營榮賤有異分感茲友巖耕

次韻李監丞城西紀游

叫舜問寥闊詠濂滌塵囂駕言城西遊慨彼往  
哲遙儀鳳不可呼駕鵝浴清瀟懷哉光風杳蕙  
若吹涼颺蒼梧隴雲愁康廬草木彫豈無人希  
周亦有文規姚估畢末學阻俗薄神理銷浴流  
浮伊洛泝源窺羲堯執中與太極萬古瞻魁杓  
察微篤強力賢聖誠匪遼舜宮翳灌木濂塾栖

叢茗觀乎紀遊作悟彼進學條蘭卮娛才彥豈  
謂磊魂澆得深清賞愜理勝英藻超揆予果何  
爲農野勤耕穡景迫昧見道曷奉德化昭

次韻李監丞同劉玉淵游七泉

世變如流水前哲嗟逝川良牧隆化本訪古漫  
叟泉念茲名泉意感彼末俗偏淵竇與嵌臼杖  
屨聊回旋不識漫叟心曷誦漫叟篇惻念軫蒼  
氓溥澤同一天蟻聚與羔跪命義當亦堅回邪  
乃敗德母以已欲專夸士五鼎辱窮爵或自鑄

雪磯叢彙卷一

八讀畫齋正本

臨流歎澆風薄言傾酒船浸泉旌吾志凍泉存  
舊傳漣漣滓沔銘石昭萬年無限感發人黜  
指敲墨氈歲月亦云久古迹埋塵煙泉根石已  
泐泉上樹欲仙森戟呵虎士誰能聽潺湲理義  
著今古貴賤俱荒阡今公七泉遊陵谷尚未遷  
勵俗振古道茲誦惡曲圓劉侯同襟期賡唱揮  
彩椽漫叟誠有知騎鯨躍層淵彼哉賊君父圓  
曲工求權厲民恣屠斲巧宦勤攀緣安得激七  
泉布作化雨宣

送綱齋李監丞赴湖南提舉

吏統久已紊使選匪易爲蝎虺何綦綦鴻雁何  
纍纍持節豈不多曠職苟所私緬懷紫陽翁昔  
使東浙湄陳臬糾官邪揚仁蘇民疲茲道有先  
後哲儒昭令規綱齋寄瀟牧那懋灼帝知勵廉  
肅家寮反稅驩鄉耆所學蘊淵道寬嚴權理宐  
茲總全楚境歌此皇華詩位穹民言邈壤廣吏  
蠹滋問俗職所重簡僚乃政基視聽貴遠周細  
微在可遺攬轡戒前路豈爲好爵縻揆予忝英

雪磯叢藁卷一

九讀書齋

盼懷德念別離別離果何念康濟乃所期懿茲  
遠大業肇此咨度時勗哉振英采慰我湘民思

秋夜感懷

溽露霑灌莽華月流高旻吟嘯嘉此夜撫化悲  
蕭辰蕭辰何所悲遊子多苦辛道峻壯力謝業  
遙昌志湮玄鬢日以變豐景將遂淪堪輿一大  
宅羲娥爲旅人卉木互榮落蜚蟀何吟呻氣隨  
稚耄變理勝卹喜均反性樂天爵測化葆道眞  
撫卷慨往哲芳猷邈難親

雪磯叢彙卷一

雪磯叢彙卷一

十  
讀書齋正本

雪磯叢藁卷二

律詩

寄雪蓬姚使君

湘鱗六六寄相思疎柳新蟬想別時今夜各聽  
三楚雁秋風又老一年詩梅花且補離騷蕙  
苒應爲史筆知翦竹疑峯新製笛待衝霜月訪  
恒伊使君時寓衡陽

謁山齋先生易尚書

淳熙人物到嘉熙聽說山齋亦白髭文字盡傳

雪磯叢藁卷二

讀畫齋正本

融水後精神如戰辟雍時靈椿終不爭朝菌著  
草惟堪養壽龜細嚼梅花看總義只應姬老是  
相知

送桂帥鍾尚書赴召

老依牙纛撚吟髭又折梅花話別思五嶺不遮  
鸞鳳詔四方都誦鱗魴詩人才真魏涓零後國  
事江淮倥偬時賴有老臣經濟在快呼桂醕餞  
篙師

題鍾尚書北征詩藁

查本缺以下五首

野雉江鷗滿故都秋風禾黍撚吟鬚六千里外  
驅旃旆五十篇中見版圖金鉉尚期扶日御玉  
衡終合正天衢書生亦有中原志那得君王文  
二爻

呈廣西張提刑

陸續城邊按部歸梅花隨處撲征騏溪山有助  
吟題徧獄市無冤訟牒稀竹屋聽猿眠碎月莎  
庭引鶴步斜暉莫嫌瘴霧侵湘客滿路風霜冷  
泉衣

雪磯叢橐卷二

二 讀書齋正本

罪言

愁殺瀟濱蟣蝨臣亂山斜照獨含情人才不似  
深衣古國勢如何楮幣輕石燕未蘇湘國旱木  
牛那濟蜀川兵幸無杜老流離苦切莫吟詩到  
北征

閒居自遣

雨積桑樞長昔邪誰能載酒訪揚家漢庭用少  
臣今老魯俗皆冠我獨髻憂國苦無蠲忿草看  
書喜對決明花衰頽懶作江湖夢擬勵三楹養

鬢華

許由溪上小屠蘇紅樹蒼山對一髡白髮功名  
惟劔在青燈活計併錐無誰言荆楚多奇士卻  
笑乾坤一腐儒桐帽貂冠俱有分寄言兒輩莫  
揶揄

寄樓居朱漕

住近江心古寺邊幅巾應伴浙僧閒官銜自管  
金陵觀冠業多依雁宕山出處要畱青史看功  
名且逐白雲還殷勤爲祝樓居月好照橫舟漱

雪磯叢藁卷二

三 讀畫齋正本

碧灣

呈姚雪蓬使君

祝融應自勝崆峒且讀通書辦聖功事可語人  
甘受謗詩能名世不嫌窮春邊採藥收湘芷月  
下調弦送楚鴻賴有行人碑尚在棠陰依舊戀  
東風

雪蓬見示送趙東巖巡部詩

皇華歌徹酒杯忙澤畔騷翁送范滂琴帶衡雲  
弦索潤馬食湘茝轡絲香山中狸豹隨吟旆部

內豺狼入按章卻笑詩寒吟骨聳愁看誦唱挾  
風霜

書蕭千岳集

向來楊陸共崢嶸吟到停雲趣轉清古似洞庭  
張雅樂嚴如卽墨斂殘兵茵蔯終不肥方朔芟  
莒何堪病冉畊細讀殘編搔白首未應造物忌  
詩名

滕王閣下賦

越航蜀艇亂相偃風飽千颿帶雨開閣上鳴鑿

雪磯叢棗卷二

四讀畫齋正本

今已往江頭飛鷺只堪哀柳汀絮滿河豚賤桃  
塢花殘石首來應接溪山吾不暇自憐白髮欠  
詩才

宿金灘

瀧吏崖翁是賞音江流混混對秋吟天蝦撲火  
帆檣晚水狗梢魚鳥嶼深千里庭闈雲滿眼十  
年湖海雁驚心今宵客枕清如水稱讀西山夜  
氣箴

寄許介之

惹得詩名遍九州酒徒碁伴半公侯離騷甘隱  
魚鱗屋樂府多傳鵝鵲樓醉葉幾窠藏菊徑蠹  
荷三畝護漁舟中原應有樓蘭國空鎖吳鉤到  
白頭

聞邊報寄姚雪蓬

淮烽蜀燧照邊隅白髮憂時我腐儒楚客汀洲  
舉杜若齊王沮澤索苾蒭耽吟自愛南遊好久  
謫曾謀百事無擬對祝融捫蝨話何時重拚使  
君鬚

臺磯叢案卷二

五讀書異齋正本

寄戴石屏

曾到元郎吟處吟雪蓬煙艇欠相尋鳳鳴道國  
空詩句雁到衡峯只信音拾橡祠邊寒聽雨紉  
蘭院裏夜分衾蹇驢儻遂黃花約鴉背敲煙共  
掘參

時石屏訪雪蓬于衡陽

戊戌冬僕客桂林雪中趙叔愚書張司

業逢賈島絕句爲寄今冬對雪感而有

作

朔風于水浸瓊沙曾共騷翁理釣槎對酒又吟

端木葉論詩還憶款冬花  
飢能驅我瓶儲罄老  
不饒人鏡影華擬喚扁舟尋剡叟  
嶺梅瀟菊各天涯

寄仙巢先生鍾尚書

吹香亭上送飛鴻  
且把行藏寄蜀桐  
老境只須尋遠志  
世途還要避沙蟲  
公於天地初何憾  
道在丘園固未窮  
曾是轅門投卷客  
應憐聽雪卧蔭窮

寄蕭大山兄弟

雪磯叢案卷二

六 讀畫齋正本

梅花好處共心期  
曾擷天葩寄夢思  
兄弟自爲千古計  
江湖方誦二蕭詩  
貪泉自喜逢廉吏  
倭國何因拜老師  
蕭穎士事賸擬尋君攀桂樹  
路遙誰肯借驢騎  
蕭君見子有梅花且補離騷闕之句爲之擊節雖未相識蒙書二十首爲寄故首句及之

送丁少卿自桂帥移鎮西蜀

瓊海收兵玉帳閒  
又移齋艦泝涪灣  
三邊形勢全憑蜀  
四路封疆半是山  
魏將舊聞侵劔閣  
漢兵今欲卷函關  
時會有三京之役細傾瑞露論西事  
想

在元戎指畫間

訾家洲

竹塢松灣徧履痕斷碑無首野苔昏江山應識  
前賢事裴柳今存幾世孫島霧海霞留古意春  
猿秋鶴冷騷魂何人會得登臨意閒嚼梅花伴  
酒尊

慈氏閣

崢嶸梵閣礙銀潢且對畦衣問馬王落日斷雲  
連楚粵缺鐘壞像雜梁唐英豪已往雄圖歇棟  
宇猶存古意荒惆悵石湖題柱在倚欄無句獨  
淒涼

雪磯叢藁卷二

七讀畫齋正木

雉山寺宋永初中有僧西顛誦法華經  
于此白雉聽之而化至唐黃梅五祖弟  
子喜登告祖乞巡禮五祖應以遇雉卽  
止後至此開山本朝王初寮有畱題

蘇碑蘿石擁崑局獨倚筇枝問大乘白雉苦無  
千歲種青山空識六朝僧詩傳北岳刊新帖禪  
接西淮冷舊燈擬鑿冰泓澆凍硯禊亭閒借法

華膳

擬游長沙至零陵忽動歸興

擬尋禹柏過長沙且泊愚溪問酒家歲早可能  
飛石燕秋高還看落天蝦乾坤納納催霜鬢歧  
路悠悠又菊花惆悵草黃騏驥病歸心依舊遶  
煙霞

袁家渴泊舟

往事誰能問水濱停橈仍是薄西曛樵漁空自  
存袁姓鳧雁何應識柳文釣艇分燈歸客艇嶺

雪磯叢書卷二

八讀畫齋正本

雲拖雨接溪雲榭楠蘭芷今何在空使行人誤  
舊聞

小機袁家窰竹居買酒

江遶衡門接旅津鯉魚風歇水粼粼湘醅三盞  
澆吟思瀟碧千竿對老身題筆未能行客醉典  
琴不用主人貧隔江誰掉高名麗滿載鷓鴣捉  
錦鱗

餞雲壑唐使君赴邕州

蔥筍竹畔擁雙旌回首江籬隔楚汀曾向前賢

參學問且教遠俗識儀型安南兵息塞烽冷羅  
殿馬來蠻草青悵望鈴齋何處是遙瞻朱雀認  
詩星

歸侍

石田茅屋野苔春喜對庭闈話苦辛客路本無  
如意事瘴鄉難有卻回身且尋農耒耕湘雨待  
看天戈洗韃塵門外黃旗邊餉急可堪杯酒各  
傷神

寄吳茂遠

蘇公隄畔繫吟驢知在垂楊第幾株學校文章  
如畫餅朝廷官爵似呼盧春吟應欠梅花在時  
事曾言楮幣無惆悵湘湄分袂處今看細雨長  
蘼蕪

送史主簿之鄂就辟

囊中秋卷逼唐賢門外侯芭問太玄才大豈堪  
棲枳棘官清應只友蘭荃湘行又泛君山月淮  
績曾衝赤壁煙擬借從君新句看試尋黃帽寄  
綱船

宦途捷徑在三邊且住吟船贈馬鞭壯士苦無  
橫草志將軍還用撒花錢韃兵猶未回燕鴨蜀  
耗何應問杜鵑今日送君無別話看隨郤穀洗  
狼煙

送邵瓜坡試湖南漕舉

槐花市路促湘行閩賦唐詩舊擅聲有志向曾  
言國事論心何止在科名畢方夜燭杭都火大  
角秋纏蜀道兵莫作腐儒場屋話琅玕滿腹正  
須呈

雪磯叢書卷二

十讀畫齋正本

送李公洛游臨武

嶺梅瀟菊兩關情歲晚江湖載酒行客路欲依  
巖挺子瘴鄉已老少游兄瓦盆且話田家事肉  
食誰通鈍漢名惆悵韓張亭畔路雪鞭風帽又  
東征

贈江華熊伯巖

堂萱營柳伴吟哦黃綬仙翁鬢未皤對客不矜  
名第貴輸心惟在簡編多江頭魴鯉香晨膳境  
內鷓臯冷夜窠湘國詩盟今寂寞衰頽猶喜識

陰何謂陰鏗何遜也

江華送熊清父遊廣州時予有衡陽之役

遲近陽華且酒壺海鵬衡雁各征途閒身俱被  
飢寒役老境還堪離別無鄉夢定應思款段客  
吟何用說娵隅曾從仙叟參玄訣好訪安期採  
澗蒲

喜李景魏就熊巖伯縣尉招

長歌白石草廬深今抱園絲就賞音溫飽不爲

雪磯叢臺卷二

十一讀畫齋正本

兒輩計行藏端在古人心鱸魚堂上春開帳鷓  
鴒灘前夜對衾擬挂奚囊梅下聽謫仙廕共隱  
仙吟

送友人之辰州覲省

跼鳶東畔瘴雲低山徑如梯去馬遲正則自吟  
皇樹頌廣微惟誦白華詩春風採藥桃花國落  
日尋碑薏苡祠覓得丹砂能寄否溪亭送客鬢  
毛衰

雪磯叢臺卷二

雪磯叢橐卷三

律詩

謁李梅亭

力拔鯨牙氣貫虹，玉堂歸只守文窮。  
世無真魏扶吾道，人以乾淳望此翁。  
大地精靈筆下國，家命脈寄山中。  
縑袍羸駟崇仁路，正擬登門聽擊蒙。

代送徐侍郎赴召

大厦誰堪任棟梁，試留齋艦問行藏。  
朝廷議論

雪磯叢橐卷三

讀書齋正本

如春雨，吳蜀人才似夕陽。  
三漸何曾投砭劑，五寒今望起膏肓。  
擬看相業磨崖在，卻到涪溪話別觴。

聽友人談蜀道事

石棧天梯蕩戰塵，誰驅哨馬滿峨岷。  
盡看烏犬爲君子，元次山世化篇誰問沙蟲化。  
小人韃智豈應強，兀術蜀材正自欠。  
吳璘細吟猛虎長蛇句，空對西風淚滿巾。

送廣州劉叔治倅欽州兼守事

天涯亭畔擁提屏丹荔黃柑滿去程阜蓋卻迎新別駕碧幢應憶老先生象蹄印雨歸蠻國鯨鬣掀潮撼海城曾是鄉賢分守處試尋醉石共題名

余靖韶州人曾守欽

### 逢熊季可

暮雲春樹飽相思今共秋風捋白髭北闕未知鸚鵡賦南州空誦鷓鴣詩旗亭尚喜髡能飲客路誰知朔獨飢賴有湘翁生計在且吟九辨擷江蘼

### 雪磯叢藁卷三

二 讀畫齋正本

### 送李煥雲赴恭城主簿

恭城山水接三湘應覺他鄉是故鄉官況不妨棲枳棘客程還見食檳榔寒暄未定宜加愛事業無窮要自強千古忠魂如可問試吟離井漱吟腸

### 寄李伯輝

石樓峯下寄吟身靜掩桑樞琢楚珍蘋草青莎招隱士暮雲春樹憶詩人門無車馬多嫌僻家有圖書不似貧擬借大鵬揩老眼何時尊酒得

相親

舜祠送桂林友人

堯山分手舜山逢呼酒旗亭兩鬢蓬客思且須  
論契闊詩交應不計窮通兒曹富貴秋煙外前  
輩風流落葉中明日吟船又何處渡江衣冷荻  
花風

送董炎震歸攸縣

千菊溪頭話別情君行我住兩伶俜山中有酒  
招元亮石上無禾養百齡狼尾屋低苔漠漠龍

雪磯叢臺卷三

三讀畫齋正本

鬚萊長水泠泠

攸縣有龍鬚萊

故鄉語燕應堪聽莫放

扁舟過洞庭

贈衡山侯霖

家住衡山茗塢深軒轅道士是知音窳尊酒好  
聊同醉石鼎詩難莫浪吟雨外虺隤寒食路花  
邊格磔故鄉心卻懷世上揚雄少腸斷侯芭何  
處尋

送駱丞謁襄帥廣西憲

知君無地種江籬看了衡山看九疑客路不堪

還話別侯門何處可題詩吟青羅帶行離岸唱  
白銅鞮過習池呼酒試澆征馬足繡臺油幕有  
相知

題豫章宋德父游湘詩卷

醉呼仙叟共浮湘捆載風煙滿錦囊名似浦雲  
山雨起詩連沅芷澧蘭香好吟秋月招元結莫  
賦朝雲惱楚襄吳巨老仙今寂寞行人還解識  
珩璜

德父到春陵卽  
有詩弔曹景建

常寧道中懷許介之

雪磯叢藁卷二

四讀畫齋正本

雨過池塘路未乾人家桑柘帶春寒野巫豎石  
爲神像稚子搓泥作藥丸柳下雨姝爭餉路花  
邊一犬吠征鞍行吟不得東溪聽借硯村廬自  
寫看

題許介之譽文堂

端平丙申桂林伯尚書鍾公以遺逸  
薦東溪先生許侯于朝越明年得旨  
補初品官衡州戶掾其誥詞於始則  
有夙有譽處且爛文辭之褒於終則

有其以行義教于鄉里之勉州里人  
士莫不榮之又明年許侯乃于東溪  
之濱初堂五閒以爲講道著書之地  
仍摘天語譽文二字以張其名敬上  
賜也堂成山齋先生爲之記者詳矣  
當世之名卿才大夫又爲之賦詠者  
衆矣余晚生小子何足言詩辱徵俚  
作不敢以固陋辭敬書二首以記盛  
事併序聖天子始終褒勉之意庶得  
雪礪叢宴卷三

五讀畫齋正木

附姓名于不朽云

曾佐元戎洗綠林此翁何止擅詩聲久辭驃騎  
尋瓢飲誰引鳴騶晤耦耕厚禮正羅溫處士浮  
名還汗阮先生衡茅那識絲綸美尚擬升堂結  
社盟

姜夔劉過竟何爲空向江湖老布衣造物忌名  
從古有詩人得位似君稀聖朝自要求參朮吾  
道何應賤蕨薇晚節黃花須愛護且教湘士挹  
芳菲

濂溪書院弔曾景建

太極樓頭霽月寒  
斷絃綠綺不堪彈  
窻前自長濂溪草  
澤畔還枯正則蘭  
蒼野騷魂惟我弔  
烏臺詩案倩誰刊  
傷心空有金陵集  
畱與江湖洒淚看

許介之以丞相周益公所書古樂府四篇見寄敬題其後

紙上珊瑚閒木難  
曾敲黃閣卸吟鞍  
賞音今有平園否  
得句堪尋响嘯刊  
鸚鵡夜棲金屋冷

雪磯叢藁卷三

六讀書齋正本

盧秋戰玉關  
寒春風歸鴈那知己  
寄與深宮絕塞看

讀繫年錄紹興八年以後事

婁敬金繒滿去朝  
便看雷雨潤遐陬  
諸賢自抗排雲議  
宰相方深偃月謀  
湘國乍聞悲鵬鳥  
秣陵還聽唱符鳩  
九原晏老君知否  
搔首青編恨未休

櫟欄吳大帝廟

赤壁濡須事已虛  
且依櫟欄酌芳壺  
九原尚擬

吞銅雀千載今惟記赤烏湘浦有人脩舊祀荆  
州無地展雄圖定知斫案英靈在閒對祠前洗  
湛廬

昭陵渡馬伏波廟

功名要結後人知馬革何妨死裹尸漢帝可能  
疑惹苴湘民卻解薦江籬紙錢撩亂巫分胙粉  
壁闌斑客寫詩墮水跼鳶無處問灘頭斜照曬  
鸕鷀

訪蕭大山父子

雪磯叢藁卷三

七讀畫齋正本

仙桂靈椿各典刑飄飄姿韻激天鯨家傳八葉  
鹽梅種詩接三蘇父子名四海盡將看縣譜一  
堂那許與文盟塵埃不敢相親炙且汲淪溪濯  
客纓

謁張兵部時守臨江新除湖南倉

東皇太一待新詩共喜星槎泝楚涯父老盡將  
看鸞鷲使君應不問狐狸江頭芳杜催行色境  
內甘棠有去思細讀詔書搔短髮瓣香那識帝  
王師

蘇瑩中先往新淦過新喻訪之不遇賦  
詩爲寄

玉笥山前水拍空知君何處繫吟篷敢輕奇士  
題凡鳥漫有憂心咏阜螽沉芷澧蘭猶可寄江  
雲渭樹苦難同門前草木皆詩卷獨倚篔簹牖  
晚風

送蕭大山赴新興令

翡翠芙蓉去路荒許渾詩裏認封疆昔聞古佛  
傳宗印今得吟仙綰縣章魚婢蟹奴供俎豆馬  
人龍戶雜耕桑澹翁應解知心事試汲寒泉薦  
瓣香

雪磯叢藁卷三

八讀畫齋正本

訪菊花山人沈莊可

網盡珊瑚採盡珠只食秋菊養詩臞永嘉同社  
聲名在乾道遺民行輩孤我恨朱門無食客君  
言青史有窮儒飢寒正用昌吾道且對鈴岡共  
撚鬚

懷二蕭

未會相見已相知楚粵江山棣萼詩每恨乾坤

催我老卻於湖海識君遲機雲才藻今無幾管  
鮑襟期說向誰靡靡亂山嘶瘦馬碧雲日暮正  
相思

疎拙

越冠齊瑟事皆非疎拙惟甘與世違客路鶯花  
愁裏看故山煙雨夢中歸采薇有備淮南靜移  
粟無謀浙右饑納納乾坤須俊傑湘翁祇合製  
荷衣

陳東甫酒閒舉作歸心只有杜鵑知之

雪磯叢書卷三

九讀畫齋正本

句猶未成篇因爲續之

歸心只有杜鵑知且倚裴亭共撚髭客路秋風

吹杜若故園春雨老辛夷

陳君撫州人

家貧未辦閒

居賦世濁空吟感寓詩邂逅江湖還別去岸花

檣燕兩堪悲

贈別陳東甫呈尚書鍾公

洞庭濯足共題詩今聽驪駒話別離泣玉可能  
悲卞子買金只合鑄鍾期荷盤翦綠須栖鷺鷥  
頂分絲補接籬斗酒翫肩聊自壯古來騷客例

寒飢

登潭州懷雪蓬姚使君

賈井裴亭徧短筇紅塵歸騎又匆匆我尋桂樹  
吟招隱君對蓮花誦易通今日江山勞別夢他  
年燈火課新功濂溪最念初平老恨聽連牀話  
未終

下攝市

吟到湘潭一葉黃賈胡蹤跡正悲涼抱琴沽酒  
異鄉客打鼓發船何郡郎楚女越商相雜沓淮  
鹽浙楮自低昂塵埃市井無人識濯足江頭望  
八荒

雪峯寺

擬尋岫嶺看蟠螭且解青鞵濯禹溪弔古猶疑  
九枝柏談禪且問一葶藶虎扒崖樹供僧爨猿  
摸廊碑認客題應接溪山無好句滿林空羨亂  
蟬嘶

到衡岳呈弟山長

閒依禹柏繫征驄猿鳥應猶怪賤蹤正擬開雲

訪韓愈可能避雨識茅容朱陵洞裏秋呼鶴紫  
蓋峯前曉聽鐘欲踏青霞尋勝趣倦游應許借  
吟筇

許介之館僕於東溪臨發贈別

洗耳泉頭漱晚涼西風衣袂水花香酒邊豪氣  
橫荆楚燈下清談雜晉唐天地每窮真後傑山  
林偏有好文章試拈茹草同君舞後夜聞鷄月  
滿牀

下第歸後李伯輝李景魏索近詩

雪磯叢藁卷三

十一讀書齋正本

吟遍吳頭楚尾春多慚詞客問征塵振衣天目  
尋黃獨濯足湘江咏白蘋宋五已慚稱進士陳  
三何用作詩人錦囊原屬君家有分買魚經理  
釣輪

題李湛溪詩集後

楚砧岷葛飽清遊金節銀菟照幾州詩句多如  
姚少監行程還似杜參謀黃陵夜誦虞妃泣白  
帝春吟杜宇愁擬問湛溪何處是楚隨闔國弄  
漁舟

五言絕句

贈李伯輝家誦詩

盪寇將軍後唐朝李卻家綠華雙薦者況復古  
今誇

雪磯叢藁卷三

雪磯叢藁卷三

十二讀書齋正本

12228

